

武夷新集

卷貳

武夫新集

卷一

楊大年先生武夷新集卷之二

邦關李
繡文素甫

鍾秀李葆貞守一甫全較

武林龔五猷華茂甫

詩

戲贈潁州萬壽尉吳待問

待問予之故人
值雨留憇數日

宦途南北最情親
歲晏相逢潁水濱
舊日青衿同學
校暫時黃綬困埃塵
樽中滿酌香醪美
門外高懸綵

五更新集 卷二
棒新雞黍留歡已慵發可堪經雨折紗巾

題顯道人壁

住萬壽縣精舍二十年矣

心似寒灰不復然尋常談論卽彌天門臨潁水多年
住法自曹溪幾世傳儒士誰同翻貝葉都人長見施
金錢翰林詩版分明在曾與吾家有舊緣

故侍讀尚書有贈先

師詩著之于版

史館阮比部知衢州因歸建陽別墅二首

比部兄昭

濟隱居

不仕

再入蓬丘席未暖飄飄又建隼
旟行交朋莫惜河梁別鄉曲
初期畫錦榮竹箭波聲隨一棹
斧柯山色對雙旌子牟江海心
應在頻上高樓望帝京

少小鄉關振大名武夷山翠落
門庭郎君近折仙人桂伯氏高
分處士星城郭遼東應改易芝
蘭謝圃自分馨吳民正待隨車
雨莫苦淹留醉醪醕

集賢宿直寄中書李梁二舍人

耿耿銀缸照直廬西風黃葉滿
庭除愁心不忍聞賓

鴈病眼猶能拾蠹魚欹枕微吟空展轉遶廊閑步自
躊躇銅龍漏滴傳鈎盾玉兔光芒射綺疏薄宦久淹
滄海郡故交多入紫垣居洛陽已在拜塵後宣室那
逢膝席初投閣寂寥深自愧抱關憔悴擬何如寧思
西掖五花判且補河東三篋書桑梓狂拋萬里外蓬
萊試住十年餘釋之不調嵇康懶終待休官學灌蔬

翰林王學士奉使兩川

萬里征西頻告捷九重喻蜀正裁書忽聞召對浴室

殿元是親乘使者車井邑凋殘經亂後軍城鼓舞拜
恩初銅梁迢遞驅騶騎玉署深嚴鑱直廬星歷更須
占李邵雪園應恨欠相如歸來便在三台席轉與交
親禮數疎

董給事知洪州

豫章南國一都會夕拜東臺最上流捧詔暫辭青鑱
闥携家便汎木蘭舟褰帷聽訟民謠洽解榻筵賓主
禮優只恐徵黃在朝暮西山靈藥未容求

梁舍人奉使巴中

藥署深嚴纔草詔
劒關迢遞忽乘輶
霜天歷歷巴猿苦
山路駸駸秣馬驕
梁苑寒風吹別袂
瞿塘春水送歸橈
紫垣遣使非常例
應有星文動九霄

次韻和族弟日華寄編修諸學士之什

璦闥漫喜塵通籍
蓬巷無人肯顧廬
天祿解嘲纔答客
集仙置使又修書
非煙繚繞縈珠網
流水潺湲逗石渠

石渠

漢石渠署因渠得名

何必銀臺號三昧
此中更好味真如

次韻和光祿黃少卿學士感恩書事十六韻

江夏門風盛東吳族望高才雄吐白鳳志大釣靈鰲

昔日參珠履

嘗任淮海王記室

多年汎碧桃陳琳巧書放謝

客占風騷曲宴飛三雅沉機佐六韜玳筵頻岼幘楯

臯幾揮毫託乘同歸闕臨軒別賜袍未離王儉幕獨

得呂虔刀粉署因揚歷朱門更鬱陶淮南荒桂苑騎

省泣霜毛

此已上並叙少卿昔在淮海府中及感舊之意

去國踰千里爲郎

歷幾曹和鉛兼秘府懸磬寓神臯室靜秋生白庭閑

雨長蒿禁林俄召試卿寺果垂褒道在心無悶恩深
首重搔依前領圖史紬繹肯辭勞

次韻和史館盛學士朝退書懷之什

金壺待傳點瑤墀初辨色闌仗開天閭垂旒操斗極
百辟瞻堯眉九州蒙禹力朝政無闕遺諫官慙曠職
次韻和盛博士寄贈李四寺丞因以述懷

錢郎滿腹貯精神坐上詩成壓倒人相識只從拋竹

馬

愚初至上都遊歷
門館纔十餘歲

留歡長是鱸金鱗西園宴喜期

清夜曲水追隨約暮春不到門牆欲旬浹已應懸榻
滿埃塵

次韻和盛博士寄贈虞部李郎中之什

門牆日已峻德望闇然彰第草西垣詔身爲南省郎
塤箎歡並奏龍虎儼成行宴客牛心炙朝天雞舌香
曲池春漲水碧瓦曉飛霜此景知何事留賓汎羽

次韻和守邦道人寄編修諸學士之什

修書何幸佐鉛黃日接羣英道自光署近承明叨謁

帝賦成平樂謬爲郎孟堅已分酬賓戲嚴助還思佩
郡章共憶東林社中客滿池蓮葉吐清香

大名府大安閣主道者

上幸魏郡親至其寺面賜紫

釋子修行與衆殊銅臺連接起精廬羣公共結二林
社萬乘曾迴六尺輿衣惹天香親御座閣成雲構倚
晴虛浮生自恨猶貪祿未得同翻貝葉書

次韻和盛博士寄許州任從事之什

射策曾攀郤桂枝從軍猶賦仲宣詩陳琳草檄應非

久貢禹彈冠素有期

任與盛君有推挽之約

梁苑勝遊思霰雪

潯陽舊隱廢茅茨

任寄居星灣多歷年所

初筵樽斝不須戀正

好公車自薦時

次韻和盛博士雪霽之什

六花新霽白皚皚
爽氣颼颼拂面來
梁苑酒濃寒力減
謝池風細凍文開
天邊幾陣聞歸鴈
江外千家見早梅
此際何人能訪戴
剡溪清景好銜杯

次韻和太僕錢少卿寄贈編修主人宋承旨李

舍人之什

春官宗伯魯諸生翰苑綸闈占大名一代典謨資潤
色滿朝文物仰懸衡分班月殿趨金馬侍宴天池見
石鯨卽日雲屏應隔坐鄭弘任太尉舉弟伍倫爲司空每見曲躬自卑詔置雲母屏風分
隔焉不須東觀待

宋殿丞廣南東路轉運

天子憂南越公卿薦陸生九年須富國萬里便揚旌
封郡諸蠻接官曹六尚榮交州何日到鼓吹定相迎

次韻和中書李舍人勉元氏道宗奉宗兄弟之

什

二難文彩少人過落筆尋常只患多
兔苑暫遊衝霰雪龍門曾上困風波
一囊負米猶爲客百步穿揚待決科
更得詞臣贈詩句機雲入洛擬如何

送僧之棣州謁王工部

雪晴河水正流澌風卷驚蓬浦眼飛客路
飄飄携一錫禪房寂寂掩雙扉
曹溪衣鉢何年得廬阜香燈幾

日歸賢守相逢膜拜後都人爭勸施珠璣

次韻和錢少卿早春對景有懷諸學士

草樹欣欣暖律迴謝家池沼凍紋開晴天獨向高臺
望春色先從上苑來且待郢人歌白雪莫聽羌笛怨
殘梅乞逢休沐便須去引滿何曾訴玉杯

閣門廖舍人知袁州

舍人故連州刺史凝之子
凝與弟融皆擅詩名江左

駸駸五馬動征塵太守風流世絕倫身事漢庭爲小
相家傳楚國是騷人煙波莫歎重湖遠桑梓仍將別

墅鄰麥穗微黃稻苗綠朱轡入境便行春

次韻和李舍人拜命書懷寄館殿舊僚之什

拜命入星垣偏承聖主恩黃扉陪漢相彩筆代堯言
佩玉天顏近籙金世望喧下僚今隔品雲路仰高軒
上元夜會慎大詹西齋分題得歌字

帝里風光上元節烏衣舊巷經過樽中酒淥寧辭醉
梁上塵飛只欠歌坐聽禁城傳玉漏起看河漢轉金
波主人愛客春宵永彩筆題詩奈樂何